

336/1

Kiswahili

Karatasi ya kwanza

Julai/Agosti 2024

Muda: Saa Mbili



UGANDA MUSLIM TEACHERS' ASSOCIATION

UMTA JOINT MOCK EXAMINATIONS – 2024

UGANDA CERTIFICATE OF EDUCATION

KISWAHILI

Karatasi ya kwanza

Insha na Ufupisho

Saa Mbili

MAAGIZO KWA WATAHINIWA:

- Karatasi hii ina sehemu; **mbili**: *A na B.*
- Jibu maswali **mawili** kwa ujumla
- Katika sehemu *A*, kuna maswali mawili. Chagua swali **moja**.
- Sehemu *B* ni ya **lazima**.
- Majibu yote yaandikwe kwenye karatasi uliyopewa.

Pindua

SEHEMU A
UTUNZAJI WA INSHA
AMA

1 Katika pilikapilika zako za masomo shuleni kwako, uliwakuta vijana wawili wakiwa katika mabishano makali kuhusu jumuiya ya Afrika mashariki. Moja wao akasema 'kila mtu abaki kwa nchi yake, hakuna faida yeyote kutoka kwa jumuiya hii. Mwingine akasema "inatuunganisha na watu wa nchi nyingine za Afrika mashariki. Mabishano yao, yalikuwa karibu kuleta ugomvi.

Wewe kama mwanafunzi wa Kiswahili andika ukiwapa ushauri kuhusu umuhimu Jumuiya ya Afrika mashariki.

AU

2 Baada ya kumaliza mtihani wako wa kidato cha nne, umefikiria kuanzisha mradi wa kufuga kuku wa kienyeji, lakini kwa bahati mbaya huna pesa za kuanzisha mradi huo. Mwandikie baba yako mzazi ukimuomba pesa za kuanzisha mradi huu.

SEHEMU B

UFUPISHO

3 Kwa kutumia maneno 70 eleza jinsi mtu anavyoweza faidika kutokana na muziki kama vile ilivyoelezwa katika taarifa.

Mtu yeyote hapa duniani ana kitu anachokipenda zaidi ndani ya moyo wake. Mimi ninapenda muziki kwa moyo wangu wote. Watu wote wanaume kwa wanawake wanapenda muziki. Muziki ni burudani ya maana sana katika maisha ya mwanadamu. Kuna umuhimu mwingi wa muziki katika jamii yetu. Kwa mfano; Muziki huburudisha watu katika jamii — wanapoimba na kucheza muziki kwa furaha kwenye matamasha na diskoni.

Muziki hupatia watu kazi au ajira, na wanamuziki wanapata pesa nyingi kutokana na kazi yao ya kucheza na kuimba nyimbo. Pia muziki ni chanzo cha furaha na ni faraja kwa watu wenye shida, mawazo, huzuni na matatizo mengine ya dunia. Muziki pia ni chanzo cha mapato kwa nchi. Nchi nyingi kama vile Jamaica huingiza pesa nyingi za

kigeni kutokana na muziki wao. Muziki hufundisha tabia nzuri kwa watu katika jamii. Muziki hukuza na kusambaza lugha husika katika jamii; Kwa mfano Kiswahili kuna wasanii au wanamuziki wanaoimba nyimbo zao kwa kutumia lugha yetu nzuri ya Kiswahili.

Pia muziki ni chanzo cha umaarufu au kujulikana kwa watu hawa wanamuziki katika jamii zetu. Waimbaji karibu wote tunapata kuwajua kupitia nyimbo zao wanazozimba. Kwa mfano hapa nchini Uganda kuna mtoto maarufu sana anaejulikana kwa jina la Fresh Kid ni mwimbaji mpya mwenye umri wa miaka Kumi tu. Anaimba nyimbo za miondoko ya kisasa zenye mtindo wa Hip-hop. Dunia nzima imepata kumjua mvulana huyu Fresh Kid kwa sababu anaimba vizuri. Kwa hivyo, umaarufu wa Fresh Kid umetokana na muziki wake.

Watu wengi wanaenda kwenye matamasha. Kilabu na diskoni usiku kwa sababu wanataka kusikiliza na kucheza muziki mzuri wa waimbaji hao. Vijana wa siku hizi wavulana kwa wasichana wanajua kucheza muziki vizuri. Wasichana wanatingisha matiti na makalio yao pamoja na sehemu nyingine za mwili. Wavulana wanarukaruka juu na Chini huku wakichanganya miguu yao. Lakini kati ya wavulana na wasichana ni nani wanaojua kucheza vizuri zaidi? Muziki ni mzuri kwa kila mtu hata wakiwa watoto wadogo, vijana, wakubwa na wazee. Kwa kweli, Watu wote wanapenda muziki duniani. Wazee wengi wanataka sana kusikiliza muziki wa zamani. yaani ule muziki wa kipindi chao. Baadhi ya wazee wanapendelea sana muziki mwororo wenye mwendo wa polepole.

TAMATI